



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

## *Komunikadu Imprensa*

07 Marsu 2013

### **Tribunál Distritál Baucau hamonu pena sentensa tinan 7 fulan 6 ba krime abuzu seksuál hasoru labarik idade menór**

Iha 05 Marsu 2013 Tribunál Distritál Baucau lee akordaun ba kazu krime abuzu seksuál ne'ebé involve arguidu Rui da Silva hasoru lezada FMR. Kazu ne'e rejista iha tribunál ho Númeru Prosesu 113/Crm.C/2012/TDB, ne'ebé akontese iha 07 Agostu 2010, iha Suco Parlamentu, Sub-Distritu Lautem, Distritu Lautem.

*“Abuzu seksuál ba menór hanesan krime ne'ebé sériu tebes, tanba krime ne'e kontra direítu labarik sira nian atu livre husi kualker forma violénsia no afeta teb-tebes labarik sira nia dezenvolvimentu fíziku no psikolójiku. Tanba ne'e, JSMP hanoin katak aleinde kondena arguidu sira, Estadu tenki asegura meus hot-hotu disponível atu proteze labarik sira husi kualker forma violénsia saída deit, dehan Luis de Oliveira Sampaio Direitór Ezekutivu JSMP.*

Ministériu Públiku akuza arguidu nu'udar autór materiál ba kazu krime abuzu seksuál ho agravasaun ne'ebé prevee iha artigu 177 Kódigu Penál konjuga ho artigu 182 alinea 1.a.

Iha audiénsia ne'e tribunál prova katak arguidu kaer lezada nia liman dada ba harís fatin, hodi halo abuzu seksuál ba lezada hodi taka lezada niaibun atu nune'é lezada la bele hakilar.

Bazeia ba faktu provadu hirak ne'e no sirkustânsia sira ne'ebé asosiadu ho prosesu ne'e, tribunál konklui hodi kondena arguidu ho pena prizaun tinan 7 fulan 6.

Audiénsia julgamentu hodi lee sentensa ne'e diriye husi Dr. José Gonçalves, Ministériu Públiku reprezenta husi Dr. Baltazar Ramos no arguidu hetan defeza husi Dr. Paulino da Costa Alves advogadu estajiadu.

Atu hetan informasaun kle'an, favor kontaktu direktamente:

Luis de Oliveira Sampaio

Diretór ezekutivu JSMP

Diresaun e-mail: [luis@jsmp.minihub.org](mailto:luis@jsmp.minihub.org)

Landline: 3323883

[www.jsmp.tl](http://www.jsmp.tl)